

مؤسسې: ابن السرى
مصطفى نامق



مدیرى: ابن السرى
احمد جودت

آسيان

ادبي عالمى، سياسى، اجتماعى، فنى، اخلاقى هفتدلق مجموعه در

پنچشنبه

ايکنجى جلد

نومرو ۱۴

برنجى سنه

۳۳ ذى القعدة ۱۳۳۶

۴ كانون اول ۱۳۳۴

مهرسبز نسخهلر ساخته در

استانبول

محل اداره سى: جغال اوغلنده دائره مخصوصه

آرتين آصادوريان مطبعه سى

۱۳۳۴



آلنڭ تری ایله سنی اعمار ایدم ، سنده دایما ترقی کوردم ، هیمز چالیشم اوت
قادینلر بیلہ ، اللریمزدن کلنی یاپم ، وطنمزه ، ملتزمه خدمت ایدم ، بو خدمت
پک جزئی بیلہ اولسه ینه چالیشم ؛ هیچ برشیته یاراماز ایسهک بیلہ ، چالشمش
اولدیغمز ایچین مظهر حرمت اولورز .

تستره اعتراض کی ، شریعتیه صیغمز بر طاقم واهی شیلر ایله وقتمزی
غائب ایتمهلم ،

وآینیم انسان بتون قلیله چالیشمق ایسترایسه دایما موفق اولور .
بزنییه موفق اولیملم !

۱۲ ایلول ۱۳۲۴

نسیمه منهری



صوڭ تمنى

بو مسلسل جملر ، الیم بر عجز ایله ایکلهین ، بر طوفان تأثر ایچنده
بوغولان روح عشقدن تقطرایتمش برکتله آتشین کی قلبکی یاقه جق ، قاووره جق .
اوت بو سطرلر معلا بر عشقک خاتمه یادکاری درکه معانی مندرجه سی
درین بر فراغت نفسیه نک واضح بر ترجمان مؤثری اولمشدر .

آد ؛ بو هزیمت قلبیه پرهیچان و پرتعب کچن حیاتمک بوتون صفحات
عمیقہ سنده اوله درین جریحہ لر ، حیات نسائیہ مده اوله محرق یاره لر آچمشدرکه
انک یاقیجی ، قاووروجی اذالرینه اضطرابلرینه یالکز ، هم نصل — بسته لب
خسران اوله رق تحمل ایده جکم . یو اذای عمردن ، هر کون بی بتیرن بو
اضطرابدن قور تولدیغم وقت مقبره سکوته ، مطموره نسیانه اتیله جغم و اوراده
یکی بر حیاتک اذالرینه بو معلول وجودمله مقاومت ایده جکم . یاربی ؛ مشیت
الهییه یی بر آن ایچون اولسون توقیف ایت ده عصمتمله عشقمی بکا ترک ایت .
امین اول که بو سطرلر قلبمک سرشک ملالیله یازمیش ، کل ایکمزدده اولن
بو عشقک سر مزارینه کیدهلم ، و بر فاتحه تحاف ایدم که هر آن سر مزارنده

بر هاله نورانور پایدار اولسون .
 الك صمیمی کوز یاشلریله ، آغلايهلم تا که بر طرفان سرشک ، بر ابدال
 مسقی و لعب ایچنده ترك حیات ایدم فقط بو بر تمنی درکه ادراکی محالدر .
 نیم آسوده مستریج کچن ساعات حضورمی تاراج ایدن ، شیمدی شو فراغتنامه یی
 یازارکن بو هیأت اجتماعیه نک آغوش فضل و تربیه مه تسلیم ایتدیکی مینی مینی
 اولادلر مه موقوف بر عمری بوتون وقفیات صمیمانه سندن آییرمق ایسته یین
 بو عشق ، نظر مده ملمون و مردوددر .

مینی مینی یاورو جقلمک هنوز انفعالات بشریه نک اوچوشم دینی صفوت
 یار چهره لر نده نشوهرلرک یوکسلیدیکی بر وضوحیت نظر ایله سیر ایدهرک
 تهوین الم ایدرکن شیمدی ، اوت شو سطرلری قارالارکن انلرک دوداقلرنده
 تموج ایدن ظلال اتسامک بو معلول و مصاب عشقم ایله استهزا ایتدکرینی
 ظن ایدیوردم . کوزلرمدن بر شراره غیظ و تهورانلره طوغری قوشیوردی .
 او متبسم ، مستریج چهره سیله زوجه سنک مفکره سندن کچن سلسله اهانتیه
 ضربه لر ایندیریور . بر آن ایچنده مفتری پارمقلریله قلبمی ، عشقمی عمق
 مکیندن قوپاروب آیسورکی لرزه دار خشیت اولیورم . شیمدی بتون
 روابط عشقندن متجرد اوله رق مینی مینی یاورولرملک پناه شفقتنه التجا ایدیورم ،
 دلفرب النماغایله بی تسخیر اتمک ایسته یین بو پارلاق عالم عشقه ابدیاً وداع
 ایدیورم .

اولادلرم ، سز ملال حیات دنیلن بو نصیبه بشریتیه قارشو بی محافظه
 ایده جکسکدر .

شیمدی ساکن ، مستریج یاناغمه کیریورم و بر معمای ذی حیات اولان
 قادینلرک بعضاً معالیاته پرواز ایتدکرینی ، و بعضاً سفلیت بشریتیه طوغری
 سقوط ایتدکرینی ، آنلرک سقوطی انناسنده عصمتک ، بو جوهر نسویتک نصل
 بر حائل مقارم اولدیغنی دوشونیورم .

بالطه لیانی ایلول ۳۲۴

عدویه شکران